

ՌԱՓԱՅԵԼ ՊԱՏԿԱՆԵԱՆԻ ՆԱՄԱԿՆԵՐԸ*)

Հոգեհարազատ եղբայր Գէորգ.

Այս օրերս ես սաստիկ հիւանդ գոլով նամակդ չի կարող դացայ համալսարանից ստանալ, ուր նա աւել երկար կարող էր մնալ, եթէ Նիկոլեան այնքան բարի չլինէր, որ գնաց և բերեց. կրկին և երիցս կարդացի, նախ և առաջ շնորհակալ եմ մանր տառերու համար առաւել քան թէ մնացեալներու. այնքան ուրախ եմ այդ մասին, որքան դու պիտի ուրախանաս 2 կամ 3 ամսից, երբ որ առաջի անդամ կը կարդաս դոյն այդ տառերով տպած ոտանաւորներ մեր սիրական, բայց ծոյլ Գամառի մէջ. ես շատ բանով չեմ հրճուանում, բայց այս գիւտը, որ մի տարի առաջ մտածեն անգամ ինձ համար խելացնորութիւն պիտի համարէի՝ ինձ միսիթարում է բոլոր կրած նեղութիւններուս համար, որ տպագրութիւնը ինձ նիւթեց այս 2 տարին. Այժմ մենք հչ մի բանէ երկիւղ չի պիտի ունենանք. այսուհետեւ մեր ձեռին է մեր բարօրութիւնը և խայտառակութիւնը. առաջ մեր վիճակը շատ պայմաններից էր կախած, այժմ միայն երկու ճիշդ և անսխալ ճանապարհ ունինք, մէկը նոցանից կ'տանէ մեղ փառքի, պատուի... և միւսը ամօթի... և այլն. մէկ խօսքով մեր արիութիւնը և ծուլութիւնը պիտի վճռէ մեր վիճակը. Թշուառութիւնը երկար կոռւցաւ մեր ուխտի հետ. հալածանքը, նեղութիւնը, չքաւորութիւնը, թշշնամեաց ծաղրը ու բամբասանքը անպակաս էին նորանից. մեր ուխտը ազնուութեան վրայ հիմնած գոլով մեծանձնութեամբ տարաւ այդ անցաւոր ցաւերը. մենք դուրս եկանք այդ պատերազմից անմվաս, պարզած դրօշակով: Գուցէ թուի քեզ այս խօսքերս անձնասիրութեան պտուղ. ի՞նչ անենք. այս է մեր որակ պարծանքը: Եւ ի՞նչպէս չի հրճուիմ մեր գործի յառաջադիմութեամբ. ընդհանուր սէրը տարածած է մեր չորս կողմը. յարգանք և ակնածութիւն մեր գործին, երգ և ուխտին.

թշնամիք՝ սև երես մեր առաջ, և մենք պարզերես նոցա առաջ, որոնք մի ժամանակ մեր խօսքը գուշի չէին տալի:

Լսիր. Ես քեզ գրել էի «Հայոց Դիւցազունքի» մասին, բայց խիստ հարևանցիք. Ի՞նչ գիրք պիտի լինի, ի՞նչ է դորա գլխաւոր նպատակը, ի՞նչ օգուտ պիտի բերէ մեղ—ըոլորը բուրը ես չէի յայտնել քննի: Այս գիրքը, ես միտք ունիմ, մի այնպիսի handbuch դարձնել որ ամեն Հայ կարեռ համարէ ունենալու իր տան համար ամենօրուայ կարդալու, ինչպէս որ ուսւի համար Կոփլովի առակներն են. աւելորդ է ասել, որ այդ խիստ հնարաւոր բան է, եթէ մենք կարողանանք մի քանի հարկաւոր պայմաններ կատարել. մէկ որ մենք այդ գիրքը պիտի տպենք անակնկալ արդիւնքով, որ կարողանանք անակնկալ արժան ծախել. մի ծիծաղիլ—30 կոպէկով: Գուցէ զու ասես թէ 30 կոպէկն էլ շատ Հայի համար բան նշանակում է, 'ի հարկէ, եթէ նա այդ փողը դէնը ճգելու լինէր. բայց եթէ նա տալիս է այդ փողը և ճեռք բերում է այնպիսի բան, որ կարժէ 2 մանէթ, այդ ժամանակ 30 կոպէկը նա ուրախութեամբ կ'տայ և մեր գիրքը կ'առնու և միտքումը մեղ յիմար կ'կարծէ: Գուցէ զու էլի կ'զարմանաս կամ կ'կասկածիս, որ 2 մանէթ կարող է արժենալ «Հայոց Դիւցազունքը»: Հա, կարծենայ. մէկ որ նա բաղկացած կ'լինի խիստ սակաւից 8—10 թերթէ, գուցէ աւելի ևս. Թուղթը պիտի լինի ամենապատուականը, և փայտափոր պատկերներով, որից ամեն մինը 12 մանէթ կարժէ և այդպիսի պատկերներ 7—8 հատ պիտի լինին, առանձին դորա համար շինած թղթի վրայ տպած: Բոլոր գիրքը (աղաչում եմ չի վախենաս) մեղ կ'ստի 450 կամ 500 մանէթ և 3000 օրինակ. ինչժամ զարմացար և վախեցար. Նազարեանցի գիրքը խեղճ Հայերուն 1400 մանէթ նստաւ. միթէ, քու կարծիքով մեր «Հայոց Դիւցազունքը» նորանից ցած է և պակաս օգուտ կ'բերէ, լուսաւորութեան չեմ ասում, այլ Հայոց գրականութեան: Հայոց Աղջիկ կամ Հարսանիք Արամայ, որ մեկնիչ արձակ շարադրութիւն կ'ունենայ հետը, ուր պիտի բացայայտուի բալլարի նշանակութիւնը. Զարմայր—նորա մեկնիչ արձակ շար. տրոյացւոց պատմութիւնն է, որ շարադրել է հայրս ընտիր աշխարհաբառ լեզուով ՅԵ լեցոմ քազակացն. Խիստ ընտիր բան է: Լէոնի գերեզմանը, և անկումն Ռուրինեան տէրութեանը նորա մեկնիչն է. Խիստ սրտառուչ պատմութիւնն է, և անցքը բաւական գրգոփչ. ուրեմն խիստ հարկաւոր ամեն մարդու իմանալու. Վարդան Մամիկոնեանի մահը և նորա մեկնիչ արձակը է 5 զարու հայոց վիճակը. բաւականին մեծ, սիրուն և հետաքրքիր բան է. վերջապէս Քերոբի Սմբատը, որ կարդաւայիս, 1905.

ցիր։ Բոլոր գիրքը քեզ է ընծայեած և Վարդանը մանսաւանդ։ Կարելի էր, գուցէ ինչպէս դու կ'ցանկանայիր, որ բանը աւել արժան և տնտեսական բռնել։ բայց մի մոռանալ որ տնտեսութիւնը միայն 70—90 մանէթի է և այն թղթի, աւել ոչինչ։ Կարելի էր ուրիշ կերպով բռնել բանը—50 կ., 70 կ., կամ 1 մանէթով ծախել գիրքը։ այդ ժամանակ մենք կը հեռանայինք մեր նպատակից։ միտք արաւ—Մոսկովումը շատ մարդիկ կան, որոնք մեզ շատ կ'սիրէին, եթէ կարողանայինք նոցա մեզ վրայ մտածել տալ։ բայց, աւաղ, մինչև այսօր մենք սպասում ենք հրաշքներու, այսինքն մենք անգործ պառկած՝ մեծ յուսով ենք, որ տապակած ճուտերը մեր բերան գլորուեն և եւ տому же տապակած։ և եթէ մեզ ստիպող, գրասող Աթնին՝ այդ քաղցր յոյսերը մինչ երկրորդ Գալուստը մեզ պիտի օրօրենու էլի ևս կրկնում եմ առաջուայ խօսքերս։ Նազարեանցը հչ այնքան իւր աւտօրիտետով է բան յառաջացնում, որքան հեջնաւա։ Շինեանցը, ասում են, պատուական մարդ է, Ղարաբաղցի Գրիգորը նորա մօմ ծանօթն է։ ես այդ մասին արդէն լաւ պատրաստել եմ վերջինին։ աւարտելը քեզ շատ աշխատանք չարժէ։ իմացիր միայն յաջողակ ըովէն որսալ։ մի քամահիլ (ինչպէս որ ես առաջ էի անում) կոպիտ Հայերու ընկերութեամբ։ նոքա գծուժ են, քանի որ տաքացած չէ նոցա երևակայութիւնը։ յետոյ բանը լաւ կ'երթայ։ Մամուլի համար ես քեզ շատ անգամ գրել էի։ Ղարաբաղցի Գրիգորը ևս շատ յոյսեր ինձ տուեց նորա մասին։ կարծեմ որ եթէ նորանից խորհուրդ հարցնում՝ նա բանը լաւ առաջ կ'տանէ։ մի բաց թողնիլ նորան ձեռքիցդ։ Ղզլարի արտօնութեան համար խօսեցայ մի մարդու հետ, նա ասաց որ այդ կարելի է Յաշտարիսանի կերպով, բայց մեծ գումար պէտք է տալ տէրութեանը։ բայց աւելացուց, ես կ'խօսեմ մի ծանօթ օրէնսգէտի հետ և շուտով կտրական պատասխանը կ'տամ։ Ով որ յանձն կ'առնու այդ գործը՝ վաճառականական պայման պիտի կապէ մի հարուստ մարդու հետ, որ եթէ բանը յաջողութեամբ աւարտէ՝ օրէնքով իրաւունք ունենայ իր վարձը ստանալու, իբր թէ նորա հետ առուտուրի գործ ունեցած լինի և ոչ թէ վաշխ կամ քրթամ է պահմանջում։ Պօլէքօթի թարգմանութեան համար այս իմացայ, որ ոչ մի օրագրի հրատարակիչ չի յօժարիլ իւր օրագրի մէջ մտցնել այդպիսի հեղինակի թարգմանութիւն։ խօսեցայ գրավաճառի հետ։ նա ինձ կտրական պատասխան չի տուեց ուղրացնելու առաջարկ ինձ։ երբ որ ձեռիս ունիմ՝ բանը աւել հեշտ կ'աւարտուի։ միայն պիտի իմանաս որ ծ մանէթ տպած թերթին տա-

լիւ են այդպիսի թարգմանութեան համար և այդ եթէ ապապրած է։ Լսիր թարգմանչից նորա պայմանները և կտրական խօսքը Դու խորհուրդ ես հարցնում այն աշակերտներու համար, որոնք պիտի կրթուին ազգասէր Ֆիդանեանի ծախսով։ Չի բարկանաս վրաս, թէ քեզ իմ կարծիքը ասեմ. այսօրուայ օրս Լազարեան վարժատնումը մօտ 70 հայ տղայ կրթութիւն են ստանում, մօտ 50 հայ տղայ զանազան համալսարաններումը ուսանողներ են. մօտ 100 տղայ զանազան կոռպուտներումը և գիմնազիաներումը և այլն թագաւորական կամ իրանց հաշուով սովորում են. ամեն հայաբնակ քաղաք ունի մասնաւոր և տէրութեան դպրոցներ. մօտ 40—50 հայ մարդիկ մասնաւոր կերպով վարժապետութիւն են անում զանազան հայաբնակ քաղաքներումը և ինչ. այսքան ժամանակ ազգային հայոց լուսաւորութիւնը մի քայլ չի յառաջացել, օրէ օր մենք մոռանում ենք, մեր հայութեան պայմանները. ասա ինդրեմ, ինչից է այս. միթէ պր. Ֆիդանովի առաջինի զո՞ր պիտի օգնէ ազգի թշրուտութեանը։ Բայց ուրիշ ոչզուլտատ կ'ստանար այսքան զոհերու պտուղները, եթէ 3 տղայ զուրկ լինէին այդ սուստ ուսումնէն և ազգը ունենար այդ ծախսով մի անկախ կանոնաւոր տպարան. այն ժամանակ հայ տղաք կարօտ չէին լինիլ ուսաման համար վազել մեծ փողեր մխակլով օտար աշխարներ, այլ ուսումը ինքը կ'գար և կ'հանդիսանար նոցա առաջ։ Եթէ ու բանը լաւ ես հասկանում, և իմ խորհուրդը սխալական չես համարում և եթէ ճշմարտութիւնը առանց գաղելու գիտես ասել մարդու՝ կրկնէ իմ ասածը. կամ ընդարձակէ այս միտքը։ Սնիւերած ուսում առ ժամանակս ծիծաղական բան է հայոց համար. խիստ բաւական է եթէ առաջի նուագ բոլոր հայերը իմանային հայերէն լեզուով խօսել, գրել, իմանային ազգային պատմութիւնը և թեթև գաղափար զանազան գիտութեանց և արուեստից։ Այսչափ գիտութեան համար չարժէր այն 10,000-ները, որոնք քամվում են մեր ազգից ՅՈ ԽՄԱ լոյնաց օբրազանիա։ Միտք արա, այս խօսքերը ասում է քեզ այն մարդը, որ գլուխը գրել է ազգի համար. եթէ մինչև այսօր նա ոչինչ չի արել, բայց միշտ ցանկացել է մի բան անելու. և կանէր, եթէ բաց ՚ի բարի կամքից ունենար միջոց, հնարք. միտք արա, անյաջողութիւնը մեծ մնունդ չէ մարդուս համար. աշխարումս յուսահատութիւն և կայ։ Ո՞չ ոք այնքան շուտով մարդատեաց չի դառնալ, որքան եռանդուտ մարդասէրը. ունայն ազգասիրութիւնը կ'դառնայ սաստիկ անձնասիրութիւն։ Աստուած տայ,

որ մեր ուխտը միշտ անքակ մնայ, մեր սէրը անշէջ՝ Աստուած տայ. այդ իմ միակ ցանկութիւնն է. բայց...

Խոնարհ՝ Ռափայէլ

Ելի մի անզգուշութիւն արի. 108 մանէթի պատկերներ ապսպրեցի «Հայոց Դիւցազունքի» համար:

Եղբայր Գէորգ.

Խօսք չունիմ յայտնել քեզ հոգւոյս հրճուանքը, երբ որ ստացայ ք'ուղարկած մանր տառերը, որոնք երկար ժամանակ քունը հեռացրել էին աչքերից: Փանդոյեանի բերած նամակը գրելու ժամանակ դեռ ևս չէի ստացել նոցա. բայց հազիւ թէ փոքր ինչ առողջ զգացի ինքս ինձի իսկոյն վաղեցի համալսարան, առի ՊՕԲՆՏԿԱ-ն ու լեզուս կախ արած հոգնութիւնից շտապեցի նամակատուն. վանքը Աստուծոյ, վերջապէս հասայ իմ 5 տարուայ ցանկացածին, որ ոչ մի բոպէ չէր դուրս գալի մըտքից: Իմ ուրախութիւնը ոչ չափ ունի, ոչ սահման. զիսաւորը արած է. բայց մի քանի պակասութիւններ ևս կայ, որ դու աշխատէ շուտով (լցնել. 1) նօտր տառերը մոռացար ուղարկելու. 2) ծոցատառերը, այսինքն՝ նորա, որոնք մտնում են պոչատառի մէջ, զորօրինակ ը պոչատառ է, բայց նորա մէջի ըխն-ն ծոցատառ է որ ը-ի ծոցն է մտել. ահա ծոցատառերու թիւը թ, զ, ը, թ, ի, ւ, խ, դ, յ, ւ, չ, ր, ց, ձ) կրկնատառեր, այսինքն նորա, որոնք միմիշանց հետ 2—2 կպած են. մե, մէ, մի, մի, մկ, մի, մի, մի. 4) կրճարառ՝ այս. զօր. են. ը, ըս 5) պատուատառերից մի քանիսը ե, ի, է, ը, ս, պ, յ, ծ, մ. 6) շեշտառառ ևնշանատառա, ե, է, ը, ի, հ, օ, ա, ե, է, ը, ի, հ, օ:

Սյս պահանջածներս ոչ թէ հարկաւոր են, այլ և կարևոր են. Այժմ ես այսքանը շինել կ'տամ, մնացածները դու աշխատէ շուտով հասցնել: Հիմի բանը այսպէս է. իմ կարծիքը քեզ հա շերի ուղարում եմ յայտնել: Միտդ է որ ես քեզ ասացի՝ մենք պիտի ունենանք սեպհական տպարան, որ ազատուինք 1000-աւոր դժուարութիւններից և մեծամեծ ծախսից. դու այն ժամանակ խիստ յօժար էիր հետո. և մենք չգիտեմ հրտեղից, արդէն գըտանք տպարանի փողը, և ունեցանք տպարան մեր մտքումը միայն. գիրքերս արժան տպվում էր և մենք բաւական էինք մեր վիճակէն: Բայց մինչև այսօր մեր ձեռը չընկաւ կանոնաւոր

թէև այս ևս Աստուծով պիտի ծախուի շուտով։ Ուրեմն՝ յայտնէ Ֆիդանեանին մեր կարիքը և խոստացիր ասած վարձը։ բայց եթէ նա օգուտ ևս ուզում է՝ այդ ևս կարող ես հատուցանել տալով 15 процент։ հազիւրին գրքով։—Եթէ այս առաջարկութիւնս կարողացար հասկանալու, հասկացնելու և... էացնելու՝ ՚իհարկէ այդ ժամանակ մեր գործը պիտի արագաքայլ առաջ երթայ, ես խօսել եմ տպարանի համար Բուղաղեանի հետ։ նա ասաց, որ նորա անունով կարող ենք տպարան բանալ, որ նա կօգնէ մեզ իւր միջնորդութեամբ կամ ուրիշ դիպուածներին, ես չուզացի նորան մեզ աղքատ ձևացնել որ մի կերպով նորա վիճքից դուրս հանել տպարանի կարգաւորութիւնը։ բայց այդ ժամանակ նա չէր ունենալ այն յոյսը և յարգանքը, որ այժմ ունի, իր բոլոր կրց-ով։ հէնց այն իմաստով, որ թշուառին ոչ ոք չի սիրել, ուրեմն ես պիտի անմեղ ստէի նորա առաջ, հաւատացնելով որ ամեն բան պատրաստ է, և թէ մենք ունինք բաւականին գումար լոկ տպարանական ծախսի համար. ես քեզ արդէն ասել եմ որ Գամառի համար այստեղ հաւաքուած է 400 մանէթ. ափսոս է այդ գումարը և այն, որ այսուհետև պիտի հաւաքուի, երթայ ուրիշի տպարաններումը. աշխատէ այնպէս անել, որ տպարանի ծախսը դուրս գայ անակընկալ աղբիւրից, որ մենք կարիք չունենանք դէսից կարել դէնը դնել, և դէնից կարել դէսը դնել. թէ չէ՝ այդ կերպով մի տեղ որ ծոռուի բանը՝ ամեն բանն էլ կ՚խանգարուի։ Ամեն բանի լիակատար գումարը պիտի առանձին լինի. մինի արդինքը միւսի պակասորդը չի պիտի լցնէ. գոնէ մի քանի ամիս։ Միտք արա, որ միայն նորերումս ազատուեցայ այրբենարանի պարտքից. բայց տաղարանի համար շատ պարտը կայ։ Կարծեմ, դու ունիս փոքր ինչ ստորագրուղներ տաղարանի համար. և այսուհետև որքան կարող ես շատացնել նոցա թիւը, պատճառ որ նա շուտով կ՚աւարտուի։ Գրիգորին տներ Գամառի և տաղարանի ստորագրութիւնը. նա, կարծեմ որ, կարող է իր շուրջումը փոքր ինչ յառաջադիմութիւն ունենալ. միտքը ձգէ նորան ինձ խոստացած յոյսերը վարդանի տպի համար։

Սրապիոնի աներձազը (Иванъ Наумичъ Саргатовъ) գալու է Մոսկով և այնտեղից գնալու է Խովորոսսիյскъ. նա իմ լաւ ծանօթն է և ինքը ևս մի քանի բառեր գրել է Գամառի համար. Կարպուշկա, Նախջևան քաղաք Դօն գետին քովը ևն. դա խոստացաւ ինձ 15 օրինակ Գամառն-երից տարածելու համար առնել հետը իւր քսալու տեղը. դու տներ նորան այդ թիւը և իմացիր հասցէն, որ այսուհետև ևս հետը գործ ունենանք։ Առան, խնդրեմ, քանի անգամ ստացար ծրարած այրբենարանները։

ես քեզ ուղարկել էի 4 կապոց. եթէ դոցանից մինը չի ստացել՝ կ'նշանակէ 350 հատը կորել է. միամիտ արա ինձ:

Սիրելի եղբայր Քանանեան,

Չորս օր դորանից առաջ ես քեզ ուղարկեցի 50 հատ տաղարան. այժմ ևս ուղարկում եմ. տեսնում ես որ իմ խոստամունքները կատարվում են, թէս ուշ. բայց դորա պատճառը փողի կարօտութիւնն է, որ զգում եմ այժմ առաւել, քան թէ երբ և իցէ. այդ 50 հատը որ ստացար, խնդրեմ հէնց Մուկովումը ծախէ շուտով, եթէ ինչի համար և իցէ հաւաքած փող կայ ձեռքումդ կամ կանխիկ ստացած կամ ծախելով՝ ուղարկէ շուտով. ինձ շատ նեղում է փողի պակասութիւնը. և այն, որ կ'ստանաս՝ նմանապէս այդտեղ ցրուէ ամեն հնարով և միջոցով՝ ես փորձով տեսայ որ մասուլ չ'ունենալը մեզ իսպառ պիտի քամէ, ուրիմն առի մասուլ բանացրած, բայց գեղեցիկ 180 մանէթով, որի նորը կարժէ 500 մանէթ. Բուղաղեանի անունով պիտի տպարան բացուի. հիմի ես արի այնքան, որքան իմ զօրութիւնս հասաւ, 1,500 տաղարան տպեցի. եթէ մանէթով ծախենք՝ պիտի միանդամայն ապահովուի մեր գործատունը հէնց մեր զօրութիւնով. ես Սանասարեանցից առի պարտք 290 մանէթ և միսեցի տաղարանի վրայ, և բացի դորանից տպարանապետին՝ պարտք եմ 180 մանէթ. Մի շաբաթից կ'ուղարկեմ Յաժտարիսան, Թիֆլիզ, Ղրիմ և ուրիշ տեղեր տպարանը. գուցէ շուտով մի օգնութիւն հասնի, թէ չէ՝ քու ստորագրութիւնը խիստ անյուսալի է, և մինչև այժմ նիւթապէս ինձ չօգնեց. որ օրուան պէտք ես համարում թնաշետելուն ո՞նք? դու վախենում ես բանի ծուռ գնալից. բայց այսքան ժամանակ ես յոյս տուածից աւել կատարում եմ. միթէ յուսալի մարդ չեմ ես: Ահա ուղարկում եմ քեզ երկու նամակ՝ Փարիզից, մինը Դիլորիէից, միւսը Այվաղովսթիից: Եթէ կարող ես շանա երկուսին ևս օգնելու: Մանր տառերը գրեթէ պատրաստ են: Մի ծուլանար: Փող, փող, փող: Քու ուղարկած ումանը տպած է. առաջ Միուղինը տուեց 150 մանէթ, բայց իմանալով որ արդէն տպած է նա, այժմ գուշ չի տալի. ով է մեղաւորը: թէ չի հաւատան իմ արած՝ չափին, կարող են զրով հարցնել Միուղինից, որ կենում է հա Նևսկոմ, յ Պոլիցեյսկаго Моста, Սմիրդին-սինի. — ես էլի մի բանի փորձ կ'փորձեմ անփորձ գրավաճառներու հետ. բայց չի կարծեմ որ յաջողութիւն ունամ, թէ կարողանամ ծախելու ոչ թէ 150-ի, 25-ով էլ կ'տամ.

որովհետև անպիտան է այսուհետև Թիմուրեանի նամակը ստացայ. խոստմունքները միմիթարիչ են. բայց աել լաւ կ'լինէին, որ $\frac{1}{4}$ նոցանից այս բովէիս ձեռումս լինէին. պատճառ որ պարտատէրներիցս չ'գիտեմ որ տեղ փախչեմ: Ինչ և իցէ՝ պէտք է որքան կարելի է շուտով 800 հատ տաղարան ուղարկել Թիֆլիզ:

Այս նամակը մօտս մնաց 7 օր և չի կարողացայ ուղարկել, Աստուած հաւատա, փող չունենալով. այժմ գտայ 10 կոպէկ: Խնդրեմ ինձ հասցուր փող, Աստուածդ սիրես. 100, 75, 50. որքան կարող ես շուտով: Սաստիկ տանջւում եմ. անհամբերութեամբ սպասում եմ:

Ուափայէլ

22 գետրուարի,

1857. Ա Պետերբուրգ

Սիրելի եղբայր Գէորգ.

Այս նամակիս հետ կ'ստանաս մի ուրիշ ծրարած նամակ, որ որքան կարելի է շուտով կ'հասցնես ում որ պէտք է. այս կերպով անպատճառ հասցնես: Ես այս մարդու հասցէն չգիտեմ, բայց դու կարող ես իմանալ Ալեքսեյ Զինօվյևիչ Զինօվյև-ից, որ Լազարեանց վարժատան ոռւսաց լեզուի վարժապետն է. կամ Կատկօվ-ից, որ լոյս ընծայում է Ռու. Յնտեր, կենում է Հայոց փողոցումը, Լազարեան տպարանի դէմ ու դէմ: Ես քեզ պատմեմ թէ ինչ նշանակութիւն ունի այս նամակը: Ամիս ու կէս առաջ ես ծանօթացայ մի պատուական ոռոս կնկայ հետ, որի մօտ հաւաքւում են ընտիր մարդիկ. դորա անունը Մարիա Գրիգորյևնա Ստեպանօ: Քորա ծանօթներից մէկը ուսւ զինուորական, անունը Վladimîr Մихայլովիչ Կաченովսկի (որի հայրը մի ժամանակ տեղւոյդ համալսարանումը ռեկտօր էր) մեծ կարօտութեան մէջ գոլով՝ յայտնում է իմ ծանօթ կնոջը, որ ինըը և իւր փեսան Գրիգորի Իվանովիչ Կոզիների-ը (բժիշկ) պատրաստ են մեծ տոկոս տալ, եթէ նոցա հվ և իցէ կ'օգնէ փողով և խոստանում են ձեռագիր կամ վէքսիլ ևս տալ: Մարիա Գրիգորիեանը ինձ ասում է այս և խնդրում է՝ չեմ կարող արդիօք այդ խեղճերուն օգնել իմ հայ ծանօթներիս միջոցով: Ես հաստատ խօսք չեմ տալի. բայց գնացի Մամիկոնովին մօտ և յայտնեցի դոցա պայմանները: Նա ինձ ասաց որ, այդ գումարը (120 մանէթ) կ'հաւատայ առանց տոկոսի ինձ և ոչ այն անծանօթներուն և կ'լինէրէ ինձանից ոչ

ձեռագիր, այլ գրաւ. ես այնպիսի թանկագին բան չ'ունենաւ-
լով՝ ուղարկեցի 600 տաղարան և 100 այբբենարան. ստացայ
120 մանէթը և տուի ծանօթ կնոջս, որ նմանապէս առանց
տոկոսիքի տուեց Կօզիներ բժշկին, որի կինը Կաչենովսկի-ի
քոյքն է: Այստեղ ես մի սխալ արի. նոքա ուղում էին վէքսիլ
տալ, ես հաւատալով նոցա ակնուութեան չառի, մանաւանդ
որ՝ նոքա խօսք տուին ինձ մի շաբաթից յետ դարձնել այդ
գումարը, որ մինչև այժմ չեմ ստանում, և ամօթով և մասով
մնում եմ իմ միամտութեանս համար: Իմ ծանօթ կինը մի նա-
մակ ուղարկեց Զինօվիենվի վրայ և նորա մէջ Կօզիներ-ին
նամակ, որով միտն էր ձգում նորա խոստմունքը՝ բայց պա-
տասխան չեկաւ: Այս երկրորդ նամակն է: Խնդրեմ դու Կօզի-
ներ-ի ձեռքը հասցուր և իմացիր նորա պատասխանը. բայց
նորա ձեռքը հասցուր Յայտնէ իմ նեղ դրութիւնը և նորա
պարտաւորութիւնը: Շուտ և անպատճառ սպասում եմ պա-
տասխանը:

Թու խոնարհ եղբայր Ռուփայէլ

1857 մարտի 26. Ս. Պ. Բ.

Հոգեհարազատ եղբայր Գէորգ.

Թու այսքան ժամանակ նամակ չի գրելը, որին ես ահա
մի ամբողջ ամիս է որ անհամբերութեամբ սպասում եմ, ինձ
յուսահատութեան մէջ է ձգում. աւել բան չեմ կարող ասել.
թէն դու հազարաւոր անհրաժեշտ պատճառներ ունենայիր այդ-
պէս անելուդ համար, բայց ես նոցանով չեմ մխիթարուիլ Այդ
անորոշ դրութեան մէջ գոլով ուրիշ անբաւականութիւններ ե-
կան գլխուս, որ եթէ լսես ՚իհարկէ որ խիստ կ'ափսոսս քու
թշուառ բարեկամին: Սանսասարեանը Զատկից յառաջ Մուկո-
վումն էր. Խալաթով նորան ասել է թէ՝ քեզանից այբբենա-
րաններ չի ստացել, որ ես քեզ 3 ամիս յառաջ քանի քանի
նամակներով խնդրել էի նորան հասցնել. նա ինձ խիստ ամօ-
թացուց, ասելով որ ես խօսքիս հաստատ չեմ, և... խարումեմ: Այս
բաւական չէ. Բուղաղեանը ստանում է իր եղբօրից նա-
մակ թէ՝ ես Քանանեանից չեմ ստացել այբբենարաններ, որ դու
նմանապէս իմ խնդրանօք Յաժտարիան պիտի ուղարկէիր. այս
մասին էլ ես ամօթանք ստացայ: Այս ես բաւական չէ. Բու-
ղաղեանի եղբայրը, որ Մուկովումն է կենում, և որ այժմ այս-
տեղ է, ասում է իւր եղբօրը որ՝ ես քեզանից ստացայ պա-
տուէր 30 հատ տաղարան ծախելու՝ չեմ ստացել ոչ ոքից, այն-

ինչ ես քեզ ինդրել էի տալ նորան 30 հատ տաղարանը. այս
մասին ևս ես ստացայ ամօթանք: Ասս ինդրեմ, ինչու եռայս-
քան զրպարտութեանց մէջ մտայ. միթէ ևս մեղաւոր կամ խա-
բերայ էի, որ իմ ընտէր բարեկամները այդպէս են կարծում.
միթէ ես ափսոսալի չեմ. միթէ ես այն ամենը իւր ժամա-
նակին անթիւ անհամար նամակներով քեզ չէի ծանուցանել.
ախ, թանանեան, Թրքան ինձ չես յարգում: Բայց պէտք չէ յու-
սահատուել. գնչէ այժմ ուղղէ արած սխալներդ. 400 հատ այբ-
րենարան իսկոյն տներ Խալաթովին Սանասարեանի անուամբ,
որ նա հասցնէ քժիշկ Յովհաննէսեանի տուն. այլև 100 հատ
Տէր-Յովսէքիեանին: 180 հատ այբբենարան ուղարկէ փոշով
Յաժտարիան Բուղաղովին և 10 օրինակ ամեն Գամառ-Քա-
թիպաներից: Եւ յետոյ գրէ նամակ Սանասարեանին և որքան
կարող ես արդարացներ ինձ, որ նա չի կարծէ ինձ խարերայ
և ստախօս: Աստուած հաւատած՝ ես խիստ սաստիկ տանջվում
եմ քո լուրթեամբ և անփործունչութեամբ:

Ստացմբ 4 թուահամարը Գամառ-Քաթիպաներուն, որ 3
շաբաթ դորանից յառաջ ուղարկել էի. ինչ արիր նոցա, և ին-
չու ինձ իմաց չես անում, ես քեզ գրել էի որ տոմսակները
պատրաստ են և պէտք է փող տալ և ստանալ. դու լուռ ես,
բան չես գրում: Ասա, խնդրեմ, ինչ անեմ ես: Միթէ այդ
կերպով կարելի է բան յառաջացնել, ես քու ինդիրները ճշշ-
տութեամբ կատարում եմ. և դու իմը ոչ: Գամառ Քաթիպայի
4 թուահամարը որպէսէիցէ պարագով տպեցի. 5-երորդի համար
կոպէկ փող չունիմ. 3 ամսուայ ոռնիկներս առի և գրի տպա-
րանի վրայ այն յուսով որ շուտով մի կողմից օգնութիւն կը-
ստանամ. և ահա ինձ ինչ օգնութիւն է հասնում և ամօթանք
և զրպարտանք: Փառք Աստուծոյ այս էր վարձը իմ աշխատա-
նացը, որի վրայ թափում եմ արիւն քրտինքս:

Կարծելով որ դու տակաւին չես հասցրել այբբենարաննե-
րից ոչ մի հատ թիմուրեանին, ես ուղարկում եմ նորան 114
հատ. թերևս նա ծախէ և ինձ այս նեղ ժամանակուայ համար
մի օգնութիւն հասցնէ. բայց ես նորան երկու նամակ էի ու-
ղարկել մին մինի բամակից և խնդրել էի մի օգնութիւն անել.
պատճառ որ ես այժմ ամեն պատրաստութիւնը տեսել եմ շու-
տով մեր սեպհական տպարանը բացելու. եթէ բանը այս կեր-
պով երթայ յառաջ, ի հարկէ սերմը հողի մէջ կչորանայ ա-
ռանց բարերար անձրեսի: Յուղաղեանը Ղզլարի գործի մասին
խիստ արի առաջ է ընկնում. պէտք է նորա առաջ հաւատարիմ
երեիլ. մանաւանդ ես քեզ նորա աչքին շատ և շատ բարձր եմ
դրել. նորա հետ չի կարելի ափեխցիկի բան բռնել, պէտք է

ճշտութիւն. նա ինձ խիստ օգնում էր և ահա ես նորան ինչ-պէս վարձատրեցի. ամօթ ինձ: Բուդաղեանը ինձ ասաց որ Ղզլարի գործոց մասին մի մարդ է գալու Պետերբուրգ. մի՞թէ այդ ճշմարիտ է. կ'նշանակէ Ֆիդաննեաններու խօսքերը ֆօկուս էին. լաւ չէ: Խնդրեմ մի նամակ գրես նորից Բուդաղեանին (անցեալը ես տուի նորան և նա քեզ կ'գրէ նամակ) և բանը ճշտութեամբ և տեղեակ յայտնես. Նմանապէս պարզացրներ նրա առաջ այրբենարաններու յետաձգութեան մասին, որ նա մեզ շառլատաններ չի կարծէ: Նմանապէս ինձ մի փոքրիկ հաշիւ գրէ՝ արդեօք մինչեւ այսօր մեր և որդնց վրայ և մըքան ուղարկել ես մեր բոլոր տպած աշխատութիւնները և քանի՛ հատ ինչ բաններից մնացել է քու մօտ: Այժմ տպում եմ Ռուբէնդօնը:

Մնամ քեզ բարեացակամ Ռափայէլ

1857. ապրիլի 19

Ս.-Պետերբուրգ:

Հոգեհարազատ եղբայր Գէորգ.

Քու Մայիսի սկզբանը գրած նամակը ես ստացայ Կուզանովից Յունիսի վերջերուն. և ստանալուս միւս օրը կատարեցի քու. խնդիրքը թէն հիւանդ էի, թէն կոպէկ ասած բանըդ գրպանումն չունէի. Աստուած ողորմաց վրաս և ուղարկեց ինձ այն օր մի Եցինիստ, որ գրքիս $\frac{1}{4}$ գինը տալով տուեց ինձ հընար քեզ բաւականացնելու. եթէ ես ուշացայ՝ վերը յիշած պատճառը իմ օդախիս է խօսում. եթէ չես հաւատում, ես կ'պահանջեմ Կուզանովից որ նա իրան մեղադրելով ինձ արդարացնէ քու առաջ. եթէ (վերջապէս) կարծում ես թէ ես ամիս յառաջ կատարած չէի լինիլ այն, ինչ որ այժմ կատարեցի. դորա համար էլ այս կասեմ որ քու պահանջմունքը խիստ ըստիպողական էր, թշնամին չէր անիլ այնպէս:

Այժմ ես սկսեցի փոքր ինչ առողջանալ, կարողանում եմ տնից գուրս գալ և փոքր առ փոքր ուղղել մեր գործը, որ միանգամայն խափանուել էր: Լսիր. Դամանաները պէտք է այսպէս կարգադրել:

Պետերբուրգ—200 (իմ վրայ)

Թիֆլիս—150 (իմ վրայ)

Երևան—30 (չգիտեմ մվ կ'օգնէ մեզ)

Գանջա — 50 (Թիմուրեանի միջնորդ)

Շամախի— 50 (չգիտեմ)

- Շուշի — 50 (Բուղաղեանը)
 Օսմ. տէրութիւն—50 (իմ վրայ)
 Մոսկով — 30 (եթէ կարող ես)
 Ստալրապօլ—20 (ես կամ դու)
 Հին Նախիջևան—20 (չգիտեմ)
 Նոր Նախիջևան—15 (իմ վրայ)
 Ղրիմ—15 (իմ վրայ)
 Աստրախան—25 (Բուղաղեան)
 Ղզլար—30 (օ եւս օն !?) դու (?)

Այսքան ժամանակ մենք մի կանոնաւոր բան չենք բռնել-
 րայց հրեան հեշտ էր այսպէս գործը հրաշապէս առաջ տանիլ-
 մի մտիկ արա՝ որբան հեշտ է այսպէս կանոնաւորած ցրուել։
 Հիմք ես ուղարկեցի Թէֆլիս 50 հատ ամեն օրինակից բժիշկ
 Յովհաննիսեանի վրայ, ևս և 100 հատ ուղարկելու եմ. բայց
 չունիմ 1 թուահամարից. դու ինձ գրէ քանի հատ կայ մօտդ,
 և անպատճառ նորանից հարիւր հատը ծրարէ և յանձնէ ում
 որ գիտես, որ նորան համարի։ Նմանսալէս նշանակած քաղաքներու-
 մը ուղարկէ (եթէ չես ուղարկած) նշանակած թուով։ Եւ ինձ
 իմաց տուր, որ ես էլ այնպէս շարժիմ։ Թողնենք, ինդրեմ,
 մեր զանդաղութիւնը. ժամանակն է արդէն արիութիւն բանա-
 ցնելու ես ստացայ Փարիզից յետագայ կարծիքը մեր վրայ.
 «Զեր տպած գրքերը շատ հաւանելի թուեցաւ մի քանի գիտ-
 նականաց ուստի և Մասեաց Աղանոյ մէջ շուտ կտեսնէք խորհր-
 դածութիւն Գամառ Քաթիպայի լոյս ընծայողներու ազնիւ հ-
 ռանդի և հայրենասիրութեան վրայ. քանի մի երգ և հատուած-
 ներ դուրս քաշեցին նորա մէջից և պիտի տան նորանով զա-
 դափար Ռուսաստանի Հայ ուսանողաց քանքարի և հանճարի(?)
 մասին։ Արաքսի արտասունքը բաւական է կարդալ, որ իմա-
 նան թէ քանի՞ անգամ բարձր են բուն հայերը մեր կեղծեալ
 կիսահայ վենետիկցիներից. այս Դիւլօրիէի կարծիքն է, որ
 թարգմանեց այն և տպելու է իւր Revue d'Orient-ի (օրագիր)
 մէջ. Մենք ասացինք, որ դուք ունիք տպելու մի աւել գերա-
 զանց բանաստեղծական հատուած՝ Վարդան Մամիկոնեան. նո-
 քա ցանկացան ունենալ ոչ միայն ձեռագիրն, այլ և տպելու
 հրաման և վարձն ես կը հատուցանեն յօդուտ ձեր ովհստին
 և նորակազմ տպարանին (?) գինը գուք նշանակեցէք։» Ահա,
 եղբայր սիրական, քեզ յայտնեցի մի ազգային կարծիք, որ
 պէտք է մեզ խիստ խրախուսէ, եթէ ունինք մենք վառ սիրտ
 և ազնիւ հոգի։ Դիւլօրիէն ևս գրեթէ նոյն խօսքերով խրախու-
 սում է մեզ (նա գիտէ մեր ուխտի պայմաններն և նպատա-
 կը)։ Քերորի գնալից յետ ես ծանօթացայ Ակադիմիք Բոսսէի

հետո նա իմացաւ մեր ձեռնարկութեան պայմաններն և մեծ յոյսեր տուեց թէ՝ մի օր մենք այնքան օգտաւէտ կ'լինինք մեր ազգին, որ բոլոր Հայոց գիտնականք միացած չեն կարող նոյնը կատարելու Բայց որքան զարմացաւ նա, երբ որ լսեց և խմացաւ ինձանից թէ մեր գործը սկսուեցաւ 30 մանէթով և այժմ ունինք ոչ թէ տպած գրքեր, այլ և տպարան։ Նա նախագուշակեց որ դուք (մենք) միայն դուք կ'լինինք պատճառը, որ մի ժամանակ բռն Հայաստանի մէջ կ'ունենանք համալսարան, թատրոն, ճեմարան գիտութեանց։ Ա՛խ, աւելցուց, երանի ձեր ազգին, որ ունի ձեզ պէս (մեզ պէս և ոչ ինձ պէս) կարեկիցք աղքատ պատանիներէ։ Երանի նորան, որ դուք և ոչ տէրութիւնն սկսեց ջանալ նորա բարոյական կրթութեան համար։ Զեզմով ազգը մի անգամ կ'բարձրանայ եռ մասսե և ոչ դանդաղ և մի մի։ Ես ցոյց տուի և կարդացի բոլոր քու նամակները նմանապէս և Թիմուրեանի։ Դուք աւել բարձր էք Ձեր ազնիւ և անկեղծ զգացմունքով, ասաց, քան թէ մեր Ակադեմիքները։ Շատ ուրիշ դորա նման բաներ ևս ասաց, որոց ամբողջն է մտիս և ոչ բառ առ բառ ի՞նչ կ'ասես։ Միթէ բարի գործը թագչում է։ Ո՞չ, Արիութեամբ և անկեղծութեամբ մենք ամեն բան կ'յաղթենք։

Եղբայր սիրական, ինձ զարմացնում է Թիմուրեանի լուսութիւնը. միթէ նա մեզ ուրացաւ։ Աստուած հաւատա որ ես սաստիկ նեղ դրութեան մէջ եմ։ Եւս պուաւել այն մասին եմ չարչարվում որ այս վատ հանգամանքը հասաւ ինձ հէնց այն ժամանակի, երբ որ գործը սաստիկ լաւ ուղղութիւն ստացաւ։ Քանանեան միթէ հնար չի կայ ինձ մի փոքրիկ օգնութիւն հասցնելու։ Միթէ տաղարանի անյաջող տպուելը քեզ յուսահատեցուց. միտք արա որ ուրիշները աւել մեծ սիսալներ են արել իրանց կեանքումը քան թէ ես. միթէ ես մեզ վատ կամեն լրվ լսեցի մի քանի անհիմ մարդոց կարծիք. միտք արա և այն, որ ես միանգամայն ինքնակամ չի տպեցի, ինչպէս դու ինձ մեղադրում ես, այլ խորհրդով քանի մի անձանց, ինչպէս իդմիրեանցի, Աւագեանցի, Քերորի ևայլն, Եթէ վերջապէս դու անյուսացած են ինձանից, գրի գոնէ մի ուրիշ պատճառը, բացի տաղարանի անյաջող դուրս գալից. Ես այս շատ տարուայ մէջ շատ եմ աշխատել, լսում ես, շատ եմ աշխատել. Եթէ չի կարողանամ այն ամէնը լոյս ընծայել... գոնէ իմ ԿԱՊԱ ձեռագիրները քեզ կ'ապացուցանեն որ այդքան օգտաւէտ գործերով ժամանակ անցնողը բացի ազնիւ զգացմունքից ուրիշ շարժառիթ չպիտի ունենար իւր կեանքումը։ Աստուած ինձ թող չարչար պատուհասէ եթէ մի ժամ ես մոռացած լինիմ այն օրհասական

Երեկոյեան խօսակցութիւնը, որ մենք երեքս ունեցանք Թիմուրեանի սենեակումը. եթէ չեմ կարողացել 1,000 անգամ աւել անելու քան թէ արել եմ, պատճառը և միակ պատճառը չքաւորութիւնս է եղել Քանանեան, ես ինչ որ ունէի՝ տուի մեր ուխտին. որքան ոյժ կազ մէջս թափեցի. որքան խօսք ունէի բերանում, յորդուեցի մարդոց դէպի մեր գործին գործակցութիւն. դուք էլ արեք, որքան կամեցաք, բայց արի՞ք արդեօք որքան կարողացաք.

1) Այս նամակը, խնդրեմ տնւը Սուլթան-շահին, եւ պատասխանը ստացիր և ուղարկէ ինձ:

2) Ցովիաննիսեանը ոչ պատասխան է ուղարկում, և ոչ խնդրած տառերը:

3) Գրէ, մրգան տպած գրքերից կայ մօտումդ: Եւ մրգան և մրտեղ ցրուել ես:

4) Ի՞նչ լուր կայ Թիմուրեանից:

5) Այս ուսանողի (ազատ լսող) մասին գու խիստ անորոշ ես գրում. գրէ աւել պարզ, որ ես հասկանամ և քեզ պատասխան գրեմ:

6) Հնար տես ինձ մի փոքրիկ օգնութիւն ուղարկելու:

Մնամ միշտ հաւատարիմեղայր և բարեկամ

բու Ռուսիայէլ

Յունիսի 20.

Սիրելի Գէորգ,

Ահա քեզ մի նոր ապացոյց, սիրական Գէորգ, թէ մրգան անբաւականութիւն է ծագեցնում երկու սերտ բարեկամաց մէջ երրորդի անպիտանի խառնուելը: Դու ուղիղ ամիս գորանից առաջ գրել ես մի կողկողագին նամակ, որի գլխաւոր պարունակութիւնը այն էր, որ ես շուտով ուղարկեմ Պոլտէրօքի ոսմանը. այդ նամակը և առնասարակ քեզանից վաղուց նամակ չի ստանալս ինձ մեծ տխրութիւն, յուսահատութիւն էր պատճառում. և ի՞նչ, այդ նամակը ամիս առաջ ստացել է Կուզանովը, առել ու տարել է հետը Կարսկու սելո և թողել է մօտը մինչեւ երեկուայ օրը. նամակդ նորա ծոցի քրտինքից գրեթէ անհնարին էր կարդալու. հազիւ հազ կարացի ջոկջկել քու գրութիւնը և շտապում եմ (առաջ) ուղարկել քու պահանջած գիրքը և որքան կարելի է շուտով, այսինքն ինչպէս հրամայում ես, նամակը

ստանալուս միւս օրը ուղարկում եմ քու զիրքը։ Գնա ու
մեղադրէ ինձ։ Ա՛խ, հոգիս, ես գիտեմ որ դու ինձ շատ մեղա-
դրում ես այս երկար միջոցումը։ Բայց դուցէ մի օր ինքդ կ'ի-
մանաս որ ես ամեննեին յանցանք չունիմ։ Եթէ կ'հաւատաս ինձ՝
ինձ խիստ թանգ աժեց նաև ուղարկելը։ որ ուրիշ միջոցին և
ուրիշ զիպուածումը ես չէի անիլ Մօսու մի կոպէկ փող չու-
նէի. բայց դորա համար պէտք էր գոնէ 75 կոպէկ։ Ես ծախե-
ցի Գիզօյի պատմութիւնը, որի հետ խօսք էի առուել ամեննեին
չի հեռանալ։ Այժմ սպասում եմ քեզանից քու կարծիքը։ 'Ի սէր
Աստուծոյ մի մեղադրի ինձ. ես արժանի չեմ քու բարկու-
թեան։ Ես հաղիւ կարողանում եմ զրել խիստ հիւանդեմ, տենդ
ունիմ։ Թիմուրեանցից գեռ ևս լուր չունիմ։ Օգնութիւն ոչ մի
կողմից։ Խնդրեմ 1 և 2 Ն-ները Գամառին իմացնես քանի քա-
նի հատ կան մօտդ և քանի՞ այբբնարան։ Փարիզից ուրախալի
լուր կայ. բայց հիւանդ եմ, զրել չեմ կարող։

Նամակդ ստացայ ամսիս 17, և 18-ին գրում եմ պատառ-
խանը։

Ռափայէլ